
КОРЕЯЛИК ИНВЕСТИТОРЛАР ФАРҒОНА ВИЛОЯТИДА АМАЛГА ОШИРИЛАЁТГАН ЯНГИ ЙИРИК ЛОЙИҲАЛАРДА ИШТИРОК ЭТАДИЛАР

Вилоят ҳокими Хайрулло Бозоров, халқаро TNS Group компанияси бошқарув кенгаши раҳбари Брюс Жонг бошчилигидаги корейлик йирик инвесторлар гуруҳи ҳамда Тошлоқ туманидаги “Ўз-Сеганг” Корейс-Ўзбек қўшма корхонаси раҳбари Хуршид Норматовни қабул қилди.

Учрашув чоғида Ўзбекистон ва Корея ишбилармон доиралари ўртасида ҳамкорликнинг бугунги ҳолати ҳамда истиқболлари муҳокама қилинди. Фарғона вилоятида корейлик ишбилармонлар иштирокида амалга оширилаётган лойиҳалар юзасидан фикр алмашилди.

“Ўз-Сеганг” Корейс-Ўзбек қўшма корхонаси мисолида Фарғонада корейс сармояси жуда самарали ва манфаатли натижаларга эришаётганидан яхши хабардор эканликларини қайд этган меҳмонлар, мева ва сабзавотларни қайта ишлаш, қурилиш, Ай-Ти, давлат муассасалари ҳамда хусусий бизнес фаолиятини рақамлаштириш каби соҳаларда вилоятда амалга оширилиши режалаштирилаётган йирик лойиҳаларда иштирок этиш истагини билдирдилар.

Корейлик ишбилармонлар, шунингдек вилоятда етиштирилаётган қишлоқ хўжалик маҳсулотларининг сифати жуда юқори эканини, бироқ таниқли бренд яратмасдан туриб халқаро бозорларда муқим жой олиш осон бўлмаслигини қайд этган ҳолда, бу борада ҳам ўзаро манфаатли ҳамкорликка тайёр эканликларини таъкидлашди.

[Бизни ижтимоий тармоқларда кузатинг Facebook,](#)
2021-10-16 10:12:04